

## Iccitiwwan Galii-Kutaa 1ffaa

### Description

Galii jechuun soorata namni tokko addunyaana tana keessatti jirenya ofii itti fufsiisuuf argatuudha. Yeroo baayâ€™ee galii maallaqaan wal qabsiisna. Addunyaana tana keessatti jirenya ofii itti fufsiisuuf namni hunduu madda adda addaa irraa galii adda addaa argata. Gariin immoo inumaa kan galii hin qabne jira. Yoo argatan nyaatan, yoo dhaban ni obsan yookiin beelan miidhamuun namoonni duâ€™an manni haa lakkaâ€™u. Gariin immoo galii ofiitin machaaâ€™un yommuu addunyaana balleessanii fi badii babalâ€™isan argina. Galiin isaani haraama taâ€™ee halaala taâ€™ee haajaa itti hin qaban, kan argan hundaa walitti haruudha. Namoota miidhuun qabeenya walitti guuruf fiigu. Hanga yoomi akkanitti walitti haruuf fiigu, hanga yoomi akkanitti nama miidhu?

Mee harâ€™a galii keenya akkamitti akka guddisnuu fi jirenya badhaadhinnaa jiraannu gabaabamutti haa ilaallu. Duraan dursinee wanti beeku qabnu galiin keenya wanta humna keenya qofaan carraaqne finnu osoo hin taâ€™in soorata (rizqii) Rabbiiin nuuf murteessedha. Mallatoole Rabbii keessaa tokko namoota gariif qabeenya ni balâ€™isa, gariif immoo ni dhiphisa. Osoo hunda isaanitu dureessa godhee silaa tokko tokkoof hojjataa taâ€™uu ni dandaâ€™aa? Jirenyi addunyaana tanaa osoo hin hojjatin akkamitti itti fufti ree? Akkasumas osoo hunda isaanitu hiyyeessa taasise silaa akkamitti wal tajaajiluun jirenya addunyaana tanaa itti fufsiisu?

**â€œSila Rahmata Gooftaa keeti isaantu qoodaa? Nutu jirenya duniyaa keessatti waan ittiin jiraatan gidduu isaanitti qoode. Akka gariin isaanii garii tajaajilaa godhatuuf jecha garii isaanii garii irra sadarkaan ol fuune. Rahmataa Gooftaa keetitu waan isaan walitti qaban irra caala.** â€œ Suura Az-Zukhruuf 43:32

Hundii keenya gammachuu fi milkaâ€™inna jirenya keessatti argachuuf garmalee feena. Kanniu lamaan argachuuf dhagaan nu hin bocne fi hin fonqolchine hin jiru. Galii keenya argatuuf olii gadii fiigna. Garuu wanti hojjannu guutun gammachuu fi milkaâ€™inna taâ€™uu dandaâ€™u? Iccitiin galii keenya itti argannu eessatti argamaa? Mee walumaan haa ilaallu. Obsaan waliin haa turru. Isiin qophiidhaa?

**1.Kaayyoo kee murteessiâ€“** jirenyaa kee keessatti kaayyon kee maalii? Maalif jiraattaa? Kaayyon kee nyaatte duâ€™u qofaa moo kaayyoo biraq qabdaa? Maaliif addunyaa tana keessaa jiraattaa? Kaayyoo kee yoo hin murteessinii fi siritti hin beekin icciti milkaâ€™innaa fi gammachuu argachuu hin dandeessu. Iccitiin milkaâ€™inna, gammachuu fi galii argachuu as irraa jalqaba. Yoo kaayyoo kee siritti beekte karaan itti deemtu ifa siif taâ€™a. Kaayyoo ofii beekun qofti gahaa mitii, tartiibni kaayyos iddo olâ€™aanaa qabata. Kaayyon jalqabaa kee maalii? Nama soreessa taâ€™uudha moo doktora taâ€™uudha moo maaliidhaa?

Icciti milkaâ€™innaa fi gammachuu jirenyaa keessatti argachuuf kaayyoon jalqabaa kee addunyaa tana osoo hin taâ€™iin, qabeenya walitti tuulu osoo hin taâ€™in, nama beekkamaa taâ€™uu osoo hin taâ€™in, Jaalala Rabbii argachuu fi Jannata seenuuf taâ€™uu qaba. â€œOsoo qabeenya hin argatin akkamitti Jaalala Rabbii fi Jannata seenu dandaâ€™an?â€• jette gaafachuu dandeessa. Deebiin isaas, wanta tokko argachuuf karaa hordoftuutu jira, yoo karaa san irraa dabde wanta san hin argattu. Qabeenya kee karaa kaayyoo jalqabaa kee kana ittiin geessu malee kaayyoo kee dhumaati miti. Yommuu galii kee argachuuf tattaafattu wanta dallansuu Rabbii sitti buusan irraa ni fagaatta, karaa jaalala Rabbii ittiin argattuu fi jannata ittiin seentu ni hordofta. Kuni immoo galii kee keessatti akka hin kasaarre fi baraaka qabaattu si taasisa, karaa sirrii hordofaa waan jirtuuf. Garuu kayyoo guddaa kana dagatte qabeenyuma walitti guuru irratti yoo xiyyeefatte adabbii hamaa dhandhamta. Namoonni naannoo keenya jiran kan kaayyoo jalqabaa ofii dagatanii qabeenya qofa irratti xiyyeefatanii fi adabbii hamaa dhandhaman barnoota gahaa nuuf ni taâ€™u.


Kanaafu iccitiin galii tokkoffaan kaayyoon kee inni duraa Jaalala Rabbii argachuu fi Jannata seenudha. Wantoota kaayyoo kana si jalaa diigan irraa waan dheessituu fi wantoota kaayyoo kana siif ijaaran waan hojjatuuf galiin kee barakaa qaba, jirenyaa keessatti gammachuu fi tasgabbii argatta. Kaayyon kee jalqaba kana yoo taâ€™ee Rabbiin dhimma kee sii laaffisa, bakka ati hin beekne si soora. Garuu kaayyoon kee kana yoo hin taâ€™in addunyaa dugda sitti garagalchiti.

**2.Rabbiin irraa araarama kadhachuuâ€“** iccitiin galii lammafaan Rabbiin irraa araarama kadhachuudha. Namoonni gariin garmalee of gowwomsanii jiru yommuu Rabbiin dagatanii humna ofii qofaan carraaqani qabeenya walitti sassaabuuf ifaajan. Kana jechuun carraaqu hin qaban jechuu osoo hin taâ€™iin karaan isaan hordofan baditti kan isaan geessudha. Karaa haraamatin qabeenya walitti guurani boodarra adabbii wanta hojjataa turanii dhandhamu. Eeti namni dogongoruun haraama ni hojjata. Garuu gara Rabbiii deebiâ€™uu fi araarama kadhachuu boqonnaa haarawaa jirenyaa isaa keessatti banuu ni dandaâ€™a. Yommuu namni tokko araarama Rabbiin irraa kadhatu, gufuun isaa fi milkaâ€™inna jidduu jiru jalaa haxaawamaa adeemu. Sababni isaas, milkaâ€™inna fi gammachuu Rabbiin qofa irraa waan taâ€™eef. Badii hojjachuun balballa milkaâ€™innaa fi gammachuu cufa.

Rabbitin irraa araarama kadhachuu fi gara Isaatti tawbaa dhugaan deebiâ€™uun, Rabbitin rooba akka roobsu fi humna irratti humna akka namaa dabaluu Qurâ€™aanni nu barsiisa:

وَيَقُولُ أَسْتَغْفِرُ رَبَّكُمْ ثُمَّ تُوبُوا إِلَيْهِ يُرْسِلِ الْسَّمَاءَ

عَلَيْكُمْ مَدْرَارًا وَيَزِدُّكُمْ قُوَّةً إِلَى قُوَّتِكُمْ وَلَا يَنْهُلُوا



â€œYaa ummata kiyya Gooftaa keessan araarama kadhaa, ergasii gara Isaatti tawbaan  
deebiâ€™aa. Bokkaa walitti dhaabbataa godhee isiniif ergaa. Humna keessan irrattis humna isiniif  
dabalaa. Yakkamtoota taatanii irraa hin garagalinaa.â€ Suura Huud 11:52

Wanti rizqii namaa hirâ€™isuu fi barakaa keessaa kaasu badii hojjachuudha. Badii sanirraa yoo hin deebiâ€™inii fi Rabbiin irraa araarama yoo hin kadhatin roobni akka hin roobne fi galii guutumatti akka badu sababa taâ€™a. Gara Rabbii deebiâ€™uu fi araarama kadhachuun immoo galii irratti galii, rooba irratti rooba, badhaadhinna irratti badhaadhinna namaa dabala.

Kanaafu iccitiin lamaffaan galii itti argatanii fi dabalatan tawbaa dhugaan gara Rabbii deebiâ€™uu fi araarama Isa kadhachuudha.

**3.Hojjachuu fi Carraaquâ€“** hojii malee taâ€™uu fi namoota jala harka qabachuun salphinnaa fi deega. Islaamni amantii hojitti namoota kakaasudha. Nabiyyoonni fi namoonni gaggaarin namoota hojiin ciccimoo turaniidha. Namoota kadhatanii kan bulan osoo hin taâ€™in harka ofiitin taattafatanii of bulchaa turan. Namni tokko humnaa ittiin hojjatuu osoo qabaatu maxxanaa taâ€™ee jiraatun isaaf dhibee fi salphinna. Garuu namoota baayâ€™ee ni argina kanneen hojii tufatanii fi hojjachuu hin feene. Harka namaa eeggachuu fi kadhachuun amala itti taâ€™e. Akkuma hadiisa keessatti dhufe kadhaan namoota sadif hayyamama. Isaaniis, nama garmalee hiyyoomef, nama garmalee idaa (liqaa) keessa jiruu fi nama kaasaa ofirraa kafaluu dadhabe. Kanaan ala osoo humna qabanuu kadhachuun addunyaa aakhiratti salphinnaa.

Abu Saâ€™id al-Kudriyi akkana jechuun gabaasan:

â€œ**Namoonni Ansaara irraa taâ€™an Ergama Rabbii (SAW) kadhatan, Innis isaanii ni kenneef.** Ammas ni kadhatan; hanga wanti isa bira jiru dhumutti ni kenneef. Ergamaan Rabbii (SAW) akkana jedhe: **wanta gaarii (qabeenya) na bira jiru isin irraa hin dhowwadhu (hin kuufadhu).** Namni kadhaa irraa of qabee Rabbiin nama san akka hin kadhanne taasisa. Namni quufa barbaadu (wanta qabutti gammadu), **Rabbiin isa quubsa.** Namni obsuu Rabbiin akka obsu isa taasisa. Namni tokko kennaa hin kennamneef **wanta sabrii caalaa gaarii fi balâ€™aa taâ€™ee.** (Kana jechuun kennaan hunda caalu gaarii fi balâ€™aa taâ€™ee sabriidhaa jechuudha)â€¢(Sahih Al-Bukhaari fi Sahih Muslim)

Kanaafu kadhaa dhiisanii hojjachuun, erga hojjatanii wanta argatanitti quufu fi itti gammaduun, haafayuu dhiisu fi yommuu rakkoo fi toltaa obsuun furtuu milkaaâ€™innaa fi gammachuuti, icciti galiiti.

Wanta humni kee dandaâ€™u barbaadi hojjadhu. Hojii hin tufatin. Hojii qulqullinnaan hojjachuu fi yeroo murtaaâ€™e keessatti xumuruun galii kee dagaagsi. Wantuma xiqqoo harkaa qabduu irraa kaâ€™e. hadiisa armaan olii yaadadhu. Hanga xiqqoon tuni ol sii guddattu hin haafayin, quufi, obsi, carraaqqi kee itti fufi. Yoo kasaara sodaatte iccitii galii laccoofsa 1ffaa, 2ffaa fi 4ffaa yaadadhu hojii irra oolchi.

**4.Rabbiin irratti hirkachuuâ€“** jirenyi tuni jirenya ulfaattu fi qormata baayâ€™een guuttameedha. Qormata fi gufuwwan jirenyaa bira darbuuf gargarsi baayâ€™ee nama barbaachisa. Taâ€™uu baannan dukkana jirenya keessatti kufani hafudha. Rabbiin (subhaanahu wa taâ€™aala) akkana jedha:

إِنَّمَا يُنْصَرُ كُمْ مَنْ أَنْتَمْ فَلَا غَالِبَ لَكُمْ وَإِنْ يَخْذُلْكُمْ فَمَنْ ذَا أَلَّذِي  
يُنْصَرُ كُمْ مَنْ بَعْدِهِ وَعَلَى اللَّهِ فَلَيَسْتَوْ كُلُّ الْمُؤْمِنُونَ

١٦٠

â€œ**Yoo Rabbiin isin gargaare wanti isin injifatu hin jiru. Yoo Inni isin xiqqeesse immoo Isa booda kan isin gargaaru eenu? Muâ€™imintooni Rabbuma irratti haa hirkatanii.**â€œ Suura Ali-Imraan 3:160

Kanaafu gargaarsi fi injifannoondii Rabbuma irraayyi. Rizqin teenyas Isuma irraayyi. Rabbiin irratti hirkachuu jechuun hojii dhiisi taaaâ€™i jechuu ossoo hin taâ€™iin hanga humna keeti carraaqiti gargaarsaf Isa kadhu. Jirenya kee keessatti si gargaaru akka dandaâ€™u abdadhu. Firii hojii keeti Rabbuma irraa eegi. Kanatu Rabbiitti hirkachuudha.

Gariin hojii malee taâ€™uun Rabbiin nuuf jira jedhu. Gariin namoota immoo garmalee halkanii guyyaa hojjachuu baâ€™aa hin dandeenye ofitti feâ€™u. Lamaan isaanitu dogongora keessa jiru. Nama dhiisati mixiin gurraatin lafa deemu â€˜Rabbiin na razzaqaâ€™ jette ciisaa hin ooltu. Ni tattaafatti. Ergasii Rabbiin ni razzaqa (ni soora).

Akkasumas leencii wanta harâ€™a sooratu yoo argate, â€˜wanta boruu ittiin oolu hin qabuâ€™ jedhe halkanii guyyaa carraaqun of hin ajjeessu. Boqonnaa ni fudhata. Rabbiin tan boruuus isaaaf razzaqa.

Nuti hoo ilmi namaa eessa jirraa? Boru wanta ittiin oolu hin qabu jechuun addunyaa tana osoo arinu zikrii Rabbii irraa fagaanna, Isatti hirkachuu dhiisne irraa garagalla, humna keenya qofaan osoo ifaajnu of ajjeesna. Rabbiin bineensota fi ilbisoota adda addaa sooru ilma nama akkamitti sooru dadhabaa?

Kanaafu yoo iccitii galii barbaadde Rabbiin irratti hirkadhu- si gargaaru akka dandaâ€™u Isa amani.

**5.Karaa halaalatiin rizqii (soorata) barbaadachuuâ€“** hojii fi carraaqqi keessa karaa adda addaatin galii kee barbaadachu dandeessa. Karaan hundii garuu si hin baasu. Gariin si fageessa, gariin si kasaarsa. Kanaafu karaa si hin fageessine fi hin kasaarsine filachuun galii kee dagaagfadhu. Karaan sunis karaa halaalatiin galii argachuuf tattaafachuudha. Hatuun, nama gowwomsuun, kadbachuun, malaamaltummaan, loogin, mattaan, dhalaanii fi kkf nin galii gaarii fi guddaa argachaa jira yoo jette garmalee of gowwomsite jirta. Akkana goonan gonkumaa hin milkooftu. Yeroof fooqin malaamaltumma fi dhalaan ijjaarrame milkaaâ€™inna fakkaachu dandaâ€™a. Garuu bodden isaa ibiddaa fi hoongodha.

â€œRabbitiin gonkumaa iccitii milkaaâ€™inna wanta dhowwee keessa hin goone.â€

Dubartiin takka seenaa ofii akkanatti ibsiti

Seenan kiyya ifaadha. Dogongora kiyya irraa akka barattaniif isinitti hima. Gaaâ€™illi koo gamtoominna anaa fi abbaa mana jidduu kiyyaatin haala gammachuutin jalqabame. Dureessa hin turre, garuu wanta qabnutti kan gammannu turre. Intala garmalee jaalannu takka qabnaa turre. Marsaa jalqabaa gaaâ€™ila keenya intala teenya raffisnee, salaatu, Rabbitiin faarsu fi Qurâ€™aana qaraâ€™aa turre.

Guuyaa tokko qusannaa keenya yommuu sakattaanu maallaqa hanga taâ€™e akka kufanne argine. Dhiirsa kiyyaan aksiyona (sharing) dhala(ribaa) qabu akka binnu yaada itti dhiheesse. Buâ€™aa kanarraa argamuun jirenyaa intala teenya ni gargaarra waliin jenne. Wanta qabnu hundaa fi gurgurtaa faaya kiyyaa dabalatee aksiyona kana irratti investii goone. Erga yeroon muraasni darbeen booda aksiyonni ni kufe. Ni kasaarre. Liqaa baayâ€™ee waliin hafne. Karaa badaa (badii ribaa) yommuu Rabbitiin akkana jedhu barree:



يَمْحَقُ اللَّهُ الْبَوَا وَيُرِي الصَّدَقَاتِ وَاللَّهُ لَا يُحِبُّ كُلَّ كَفَّارٍ إِثْمٍ

â€œRabbitiin dhala (keessaa barakaa) ni haaqa; sadaqaa immoo ni guddisa. Rabbitiin warra akkaan kafaraa, dilaawa hundaa hin jaallatu.â€ Suuraa Al-Baqaraa 2:276

Halkan tokko dhiirsa kiyya waliin mormii cimatti seenne. Akka na hiiku isarraa barbaade. Innis iyyuun, â€œAti narraa hiikkamteâ€ Ati narraa Hiikkamte..â€ han jedhe. Anaa fi intalli koo garmalee boonne. Kanattu mataa kiyya keessa deema: Rabbiif ajajamuu irratti walitti dhufnee, Rabbitiin diidun (daangaa Isaa darbuun) addaan baane.

Kanaafu karaa halaala qofaan galii kee dagaagfadhu nama gammachuun qabuu fi milkaaâ€™a taatati. Yoo karaa haraamatin deemte ni kufta, maallaqni si harka hin teettu. Salaabi taati, barakaa hin qabdu.

---

**Hin haafayin-** hadiisa armaan olii yaadachuun wanta qabdutti quufi. Wantoota gara haraamatti nama oofan keessaa tokko haafayu fi dharra™uudha. Jiraadhu jirenyaa mataa keeti. Daandii haraama fi namoota karaa harmaatin qabeenya walitti kuusan hordofuun ibidda jirenyaa keetitti hin qabsiisin.

Kanaafu icciin galii 5ffaan karaa halaala qofaan galii argachuuf carraaqudha.

Insha Allah hanga torbaan kutaa 2ffaan walitti deebinutti Assalamu aleykum wr wb.

**Date Created**

October 1, 2016

**Author**

admin